


普超三昧經

古籍

才四

百五十四
惟六

48320



元祿九年丙子二月日重脩

皇圖聖固 帝階銀昌

佛日增輝 轉輪常轉

山城州天安寺法金剛院置

Small handwritten mark or signature on the right side of the page.

普超三昧經卷第四

惟

西晉三藏法師竺法護譯

心本淨品第十一

今時輒首爲王阿闍世及諸眷屬并餘來者
無數之衆開化說法即從座起與比丘衆王
阿闍世群臣僚屬及無數人出宮門行行於
塗路見一男子自害其母住他樹下啼哭懊
惱稱叫柰何其人究竟現在應度而自剋責
所作無狀而造大逆自危其母當墮地獄雖
余其人當修律行時輒首於比丘衆前化作
異化即時往詣害母人所去之不遠而中道
住其害母者遙見父母與子共侶父母謂子

是者正路其子荅曰斯非正路遞互起諍於
是化子現懷瞋怒殺化父母其逆罪子遙見
化子害化父母啼哭酸毒不能自勝尋即往
詣害母人所而謂之曰我殺父母當墮地獄
哭言柰何當設何計其害母者而自念言今
此來人乃害二親我但危母其人癡冥罪莫
大焉我之爲逆尚差於彼如彼受罪吾猶覺
輕其化人者悲哀酸酷口並宣言吾當往詣
能仁佛所其無救者佛爲設救其恐懼者慰
除所患如佛所教我當奉遵於時化人啼哭
進路在其前行而害母者尋隨其後如彼悔
過吾亦當尔吾罪微薄彼人甚重化人詣佛

誓首于地而白佛言唯然世尊吾造大逆而
害二親犯斯大罪佛告化人曰善哉善男子
爲至誠而無所欺言行相副誼如來前說誠
諦言而不兩舌亦不自侵當自惟察觀心之
法以何所心危二親者用過去心當來心乎
現在心耶其過去心即已滅盡其現在心即
已別去無有處所亦無方面不知安在當來
心者則亦未至無集聚處未見旋返亦無往
還子當知之心亦無立於身之內亦不由外
亦無境界不處兩間不得中止察其心者亦
無五色青赤黃白黑子當了之心者無色亦
不可見亦無所住亦不退轉無有言教不可

執持猶若如幻子欲察心不可分別不可解
了不可名姪不可究怒不可知癡無姪怒
癡子當知心之無生死行亦無所作亦無所
現亦不現在心者清淨亦無垢染亦無淨者
心不在此亦不在彼不在異處猶如虛空亦
無等倫亦無色像亦無言教有明智者不當
依倚勿得言吾謂是我所莫得造處無得爲
想莫造畢竟勿有所爲無言已身勿云吾我
莫念過去所以者何子當知之一切諸法悉
無所住猶如虛無子且聽之解如是者佛不
謂人於法有脫若染汗者不歸惡趣設心清
淨而無垢染則無諸趣於是化人即而歎曰

得未曾有天中之天如來所因成最正覺了
知法界無有作者亦無有受無有生者無滅
度者無所依倚願得出家因佛世尊得作沙
門受具足戒佛言比丘善來於時化人前作
沙門即白佛言唯然世尊吾獲神通今欲滅
度佛之威神使彼化人去地四丈九尺於虛
空中而取滅度身中出火還自燒體於是逆
子見彼化人得作沙門聽受經法聞佛所說
心自念言向者彼人自危二親在世尊前而
作沙門便得滅度今吾何故不效彼人而作
沙門亦當滅度作是念已往詣佛所誓首聖
是前白佛言我亦造逆自危母命佛言善哉

善男子爲至誠而無所欺言行相副詣如來
前說誠諦之言而不兩舌亦不自侵當自惟
察觀心之法以何所心危其親者用過去心
當來心乎現在心耶其過去心即已滅盡其
現在心即已別去無有處所亦無方面不知
安在當來心者則亦未至無集聚處未見旋
返亦無徃還子當知之心亦不立於身之內
亦不由外亦無境界不處兩間不得中止察
其心者亦無五色青赤黃白黑子當知之心
者無色亦不可見亦無所住亦無退轉無有
言教不可執持猶若如幻子欲察心不可分
別不可解了不可名姓不可究怒不可知癡

無婬怒癡子當知心無生死行亦無所作亦
無所現亦不現在心者清淨亦無垢染亦無
淨者心不在此亦不在彼不在異處猶如虛
空亦無等倫亦無色像亦無言教有明智者
不當依倚勿得言吾謂是我所莫得造處無
得爲相莫造畢竟勿有所爲無言已身勿云
吾我莫念過去所以者何子當知之一切諸
法悉無所住猶如虛無子且聽之解如是者
佛不謂人於法有脫若染汙者不歸惡趣設
心清淨而無垢染則無諸趣於是通人地獄
之火從毛孔出毒痛甚劇而無救護前白佛
言我今被燒唯天中天而見救濟歸命大聖

於是世尊出金色臂著寶人頂上火時即滅
無復苦痛見如來身若干相好身痛休息而
得安隱又前白佛欲作沙門佛尋聽之即為
寂志於時世尊為說四諦其人聞之遠塵離
垢得法眼淨修行法教逮得往還證得羅漢
又白佛言欲般泥洹世尊告曰隨意所在於
是比丘踊在虛空去地四丈九尺身中出火
還自燒體百千天人於虛空中而來供養時
舍利弗見於彼人受斯律教而得滅度則驚
恠之前白佛言誠難及也天中之天如來恩
施所說法律乃令逆者得受法教如是行者
然有殊別堪救濟者惟有如來輒首童真被

大德鎧諸菩薩倫能覩一切羣萌根源隨而
度之非諸聲聞緣覺境界佛言如是舍利弗
誠如所云是佛大士法忍菩薩之境界也又
舍利弗汝等所見想墮地獄而佛覩之至滅
度法汝等視人應滅度者卅尊省知而墜惡
趣或以知足有德之士閑居奉戒而三昧定
汝等謂之至滅度法如是見之反墮地獄所
以者何汝等之類離於心行不能徧察衆生
心源羣萌所行不可思議又舍利弗汝爲見
此殺母者乎聞說深法得至無餘而般泥洹
對曰唯見天中之天佛告舍利弗斯害母者
於五百佛殖衆德本聞深妙法解暢心本清

淨顯曜又如其人入此典誥受一切法而得
解脫佛言舍利弗以是之故若族姓子族姓
女我滅度後能聞是法義即便信樂又人迷
惑而心乖者隨惡知友而犯罪疊不失法忍
乃至無餘而得解脫吾不謂斯等墮惡趣也
有信樂如是像類深妙之法所得如是以斯
之故若茲等倫處於正路其聞斯典即信樂
者講說平等章句歎頌廣爲他人分別演者
德悉如是何況奉行修如所教輒首與諸菩
薩大士大迦葉王阿闍世及無數人往詣佛
所誓首禮足却坐一面

余時舍利弗見輒首與諸會者悉坐定已謂

王阿闍世大王狐疑寧爲斷乎荅曰唯然仁者尋則斷矣又問云何斷荅曰不受不捨是謂爲斷亦無所得本末永了無有垢染則爲斷矣舍利弗白世尊曰王阿闍世所畢幾如餘有幾如世尊告曰王之餘殃猶如芥子所滅之罪如須彌山入於深法所說經義至無生法舍利弗又白佛言王阿闍世當復往歸於惡趣乎荅曰如忉利天子在於七寶重閣交露下閻浮尋還本處如是舍利弗王阿闍世所入地獄名賓陀羅晉言集欲適入尋出其身不遭苦惱之患舍利弗言難及世尊王阿闍世諸根明達乃如斯乎又能蠲除若干罪疊

如斯重殃地獄之毒佛告舍利弗王阿闍世
前已供養七十二億諸佛世尊殖衆德本啓
受經典所聞法者勸無上正真之道汝豈見
輒首童真乎對曰已見世尊告曰輒首童真
勸阿闍世使發無上正真道意於難計劫離
垢穢如來無數諸佛於彼劫中而有三億平
等正覺悉是輒首所可誘勸使轉法輪長壽
久存設百千世尊終不能爲王阿闍世說法
決疑其惟輒首能爲斯王決於疑網所以者
何輒首童真數從諸佛聞是深法以是故當
作斯觀其有菩薩應所度者本從發意得其
本師爲之說法乃能解耳王阿闍世從集欲

輕地獄出生於上方去是五百佛國其世界
曰莊嚴其佛号寶英如來至真等正覺今現
說法當復重見輒首從聞深經在於彼土即
當逮得不起法忍弥勒菩薩成正覺時當復
來下還斯忍界号曰不動菩薩大士弥勒如
來當為衆會宣讚不動菩薩前所興為又復
分別於此經典敷陳至義不動大士能仁佛
世作大國王名阿闍世從惡友言自害其父
從輒首聞所說經要得柔順法忍因此除罪
今無有餘弥勒如來緣不動菩薩說此經法
八千菩薩得不起法忍八萬四千菩薩蠲除
無數不可計會罪疊積聚如是舍利弗王阿

闍世從今已往八百難計會劫修菩薩行開
化衆生嚴淨佛土又舍利弗王阿闍世所化
衆生爲聲聞地若緣覺地若行大乘斯等衆
生當有罪蓋無塵垢蔽狐疑悉除無有猶豫
過於八千不可計劫當得無上正眞之道爲
最正覺劫名喜見世界曰無造陰佛号淨界
如來至眞等正覺壽十四劫諸聲聞衆十七
萬人而爲大會一切慧解志八脫門諸菩薩
衆有十二億皆得智度無極善權方便滅度
之後正法當任一億歲無造陰世界所有黎
庶至於壽盡無狐疑者終歿之後不歸三塗
淨界如來設爲群生講說經者悉去諸垢無

有塵勞皆得清淨是故舍利弗人人相見莫
相平相所以不當相平相者人根難見獨有
如來能平相人行如佛者可平相人也賢者
舍利弗及大衆會驚喜踊躍而說斯言從今
日始盡其形壽不觀他人不敢說人某趣地
獄某當滅度所以者何羣生之行不可思議
時佛說此喻阿闍世決三萬二千天子發無
上正真道意各誓願曰淨界世尊成正覺時
吾等當生於彼佛土不造欲世界佛即記之
當生彼土

普超三昧經月首受決品第十二

王阿闍世有一太子名曰月首厥年八歲解

頸瓔絡用散佛上而曰吾以此德勸助無上
正真之道以斯善本淨界如來成正覺時願
於彼土爲四域主轉輪聖王盡其形壽供養
如來及比丘衆佛滅度後奉持舍利而受經
典然後得成無上正真之道爲最正覺適散
珠瓔便於虛空則成七寶交露枰閣四方四
植上下平等嚴正雅妙於其閣內安四寶牀
敷天繒綵如來坐之相好莊嚴佛時即笑世
尊笑法則有無數不可貲限百千光色從其
口出照難思議無有邊際諸佛世界超於梵
天魔之宮殿日月光明自然蔽暄焰迴繞身
無央數帀從頂上入賢者阿難即從座起偏

祖右肩長跪叉手以偈讚曰
度一切諸慧 超越衆聖礙
心行之根源 以分別本末
普照世願說 何因而欣笑
一切處其前 無數億姪衆
能仁之聖師 乃堪決其疑
愍哀何故欣 其過去諸佛
又當來世尊 猶如江河沙
慧度於無極 所以現欣笑
光明超日月 翳魔釋梵宮
越照衆山頂 安隱蒸黎元
善說除諸垢 何故熙欣笑

解了羣生類
應時而說法
衆生在十方
一一而難問
善哉願解說
最勝所任立
分別知六趣
離垢願解疑
通徹諸鐵圍
枯竭衆勤勞

於是世尊告阿難曰寧見月首太子乎對曰
唯然已見佛言今此月首而於佛前殖衆德
本則以勸助無上正真道稍當漸漬修菩薩
行淨界如來成佛道時又此太子生彼佛土
爲轉輪王供養奉事淨界如來至真等正覺
盡其形壽施以所安滅度之後供養舍利將
御正法法滅盡後即當遷沒生兜率天則於
其劫法爲無上正真道成最正覺号月英如
來至真等正覺明行成爲善逝世間解無上
士道法御天人師爲佛衆祐國土所有佛之
壽命諸比丘衆亦如淨界世尊無差別特也
尔時他方世界諸來會者菩薩大士與溥首

俱至此忍界聞說斯言前啓白佛溥首童眞
所可遊至則當觀之其土處所悉爲如來無
有空缺諸佛世尊不復勞慮所以者何唯然
世尊溥首所攝終無惡趣不劇不閑及諸魔
事罪蓋塵穢其有州域群國縣邑丘聚城廓
於斯正典而流布者則觀其處如來遊居無
有虛空世尊告白如來是族姓子誠如所云
今斯經典所宣布處則是如來之所遊止則
是如來慇懃垂教又族姓子乃昔往古錠光
佛時吾於彼世而受得決所敷髮地錠光如
來蹈越髮上散以蓮花逮得法忍授吾勅曰
後無數劫當得作佛号能仁如來如是族姓

子時錠光佛告諸比丘汝等不當越踏斯地
所以者何是者則爲天上世間神寺佛塔菩
薩敷髮其處所者而違法忍誰欲於此而起
塔者彼諸天子八十億人同時稱曰吾等當
起尔時會中有一長者名曰賢天白世尊曰
吾於斯地當起塔寺佛言可與族姓子賢天
長者即於彼處起七寶塔莊嚴具足還詣錠
光而問佛言予在其地與七寶塔福何所趣
錠光如來尋報之曰長者欲知菩薩大士得
不起忍計其地處若如車輪下盡地際一切
衆生各取土塵皆如舍利而供養之乃復上
至三十三天滿中七寶以布施佛若欲比

之起塔寺福終不相及塔寺之福最多難計
長者於此所殖德本如我今授摩訶之荊當
爲無上正真之道若成佛者亦當立卿於大
道決於族姓子意念云何尔時長者名賢天
者豈異人乎莫作斯觀所以者何此衆會中
有長者子名曰受行今吾授決當於來世而
得佛道号善見如來至真等正覺明行成爲
善逝世間解無上士道法御天人師爲佛衆
祐以是之故族姓子族姓女比丘比丘尼清
信士清信女若住若坐書是經典持諷誦讀
爲他人說則於其處下盡地際一切諸塵悉
爲衆生又此土者悉如舍利所以者何得忍

菩薩成就衆德亦復如是故佛告汝慙勤囑累若族姓子族姓女於是三千大千世界滿中七寶布施如來至真等正覺晝夜各三而不懈怠布施隨時至於一劫若復過劫不如受是經典王阿闍世除諸狐疑無有猶豫淨諸陰蓋分別一切諸法平等若書若讀受持諷誦聞之信樂書著竹帛匹素經卷矜莊執翫令此正法而得久任此功德福過彼甚多不可稱限佛言族姓子若於百劫奉持禁戒普知止足乃得閑居志樂不捨其聞是經而信樂者其功德福則過於彼守禁戒上若於百劫如行忍辱一切衆生罵詈搥加以杖

痛而皆忍之若復有人聞此經要而信樂者其功德福則便超越彼忍辱上若於百劫而行精進供養一切衆生之類而不愛身及與壽命不如聞是經歡喜信者若於百劫而行禪思有觸燒者而不惑亂不如聞是經歡喜信者若於百劫而行智慧博攬曉了無所不達設復聞此究竟本淨心暢自然經典之品而歡喜信受持諷誦其功德福則超越彼能速勸立諸通慧矣

時諸菩薩俱白佛言唯然世尊吾等已受於斯經典在在所遊諸佛國者有所住處便當宣布所以者何衆經典者則興佛事時諸菩

薩舉聲歎曰便復散華徧於三千大千世界
而說斯言設此經典布閻浮提而任長久世
尊能仁正法顯成輒首童真當使永存所以
吾等未曾省聞如是像經假使聞者吾等不
能加報佛恩及與輒首當以何等興大供養
若族姓子從人聞斯經典者其恩難報假使
有人欲見如來從聞是經當觀其人如見世
尊設欲供養如來至真等正覺者便當供養
此族姓子若覩族姓子族姓女當瞻仰之如
佛世尊諸菩薩等咨嗟已畢稽首佛足右遶
三匝於此佛土忽然不現各各遷還其本國
土各各自任其如來前如所受法廣爲久說

則於佛前一一彼土開導教化無數羣生使
發無上正真道意

普超三昧經囑累品第十三

尔時世尊告弥勒曰仁當受斯正法明典為
無數人而分別說多所安隱多所哀念諸天
世人悉當蒙恩弥勒菩薩而白佛言唯然世
尊吾則受斯經典教已亦從過去等正覺所
啓受是經於今現在面值世尊得聞斯法唯
然大聖如來現在吾以此經演令流普佛滅
度後在兜率天當為羣生分別說此殖衆德
本若族姓子族姓女然於後世耳聞斯經志
大乘者當知弥勒之所建立奉持斯經若有

弊魔伺求其便吾等當承世尊聖旨而將護
之使無瑕短佛告帝釋當受斯經阿闍世品
斷一切結所以者何天阿湏倫假使懷恨而
戰鬪者當念斯經諸天則勝阿湏倫降佛言
拘翼今囑累汝若斯經典在於州域郡國縣
邑城郭丘鄴則護其土怨敵讎隙不得其便
若至縣官若在賊中若逢禽獸若值鬼神若
遇盜賊若遭水火恐懼之難便當思念於斯
經典而說歌頌若有怨家殺賊惡逆不得其便
亦時佛告賢者阿難受斯經典持諷誦讀所
以者何假使有人從汝求此經典要者其族
姓子若族姓女斷一切疑無有猶豫洗除衆

結永已除了諸魔罪蓋不能覆蔽宿之殃豐
邪害墜礙自然消滅所以者何設聞斯經則
無狐疑佛告阿難吾囑累汝愍勤戒勅若犯
逆者入斯典要歡喜忻悅則無有逆亦無危
害而無罪蓋耆年迦葉白世尊曰唯然大聖
吾見證明於斯經典向者就王阿闍世宮分
別逆事王阿闍世尋時逮得不起法忍疑網
即除我時念言王阿闍世本不曉了一切諸
法亦不分別諸逆之事唯然世尊諸法本淨
自然之性而反思想計有吾我而立諸見不
能理練一切諸逆之本淨也如阿闍世習近
顛倒虛僞衆相成勤苦患若究暢此則無衆

難吾從今始說諸羣生亦無有罪無惡趣法
其入此者則超絕去無有終始佛言善哉善
哉迦葉誠如所云諸佛世尊道義之正無有
塵垢賢者阿難前白佛言唯然世尊建立斯
典令後末世遊閻浮提尔時世尊從左右脅
放大光明普照三千大千世界樹木塙壁普
自然出如茲音響如來則建斯經典已設此
經典在大海中若劫燒時應聞是經不得中
斷而不聞也佛告阿難悉如樹木塙壁所出
音聲誠如所云斯諸正士殖衆德本最後世
時受是經者終不中夭
佛說是經時九萬六千天人遠塵離垢諸法

眼淨六萬八千天人悉發無上正真道意二
萬二千菩薩得不起法忍八千人離諸貪欲
此三千大千世界六返震動應時六音普告
天上世間悉來供養於斯經典諸天伎樂不
鼓自鳴普告天上世間悉來散華燒香雜香
擣香澤香面悉值斯所轉法輪如來於此所
說經者悉為降伏衆邪異道却諸邪見行抑
制衆魔斯如來印則為精修如來之法諸族
姓子便當分別求此法印究竟正見佛說如
是王阿闍世輓首童真弥勒大士一切菩薩
諸大聲聞舍利弗大迦葉須菩提阿難等諸
天世人阿須倫聞佛所說莫不歡喜

普超三昧經卷第四

惟

盜牙

上音第 下音至

酸

蘇官告 苦篤反 酉虐也

劇

奇迹反

罪豐

近許宅

竹嫁反 又

厥

居月反 其也

枰閣

上正作棚步 庾反 枰音病

四植

下音值 舊

此負限

上子斯反 計也 思也

蔽瞠

上必祭反 掩音病 下計反 陰

長跽

下其矣反 即跪也

姦

古哀反 數也

漬

在智反

熙

許之反

丘鄴

下正作聚 草市也

城軛

下郭

擗捶

上竹瓜反 下之委反

伺

相寺反 候

讎隙

上音酬 下斤 逆反 怨敵也

寇賊

上苦候反 或作寇

脅

虛業反 臄肺

也 中友

下於小反 喪日 抑

制

上意 力反

